

靈寶元量度人上品妙經卷之十九 地九

十方聖境品

道言昔於靈華天中景耀迴風大圓化土受元始度人十方聖境元量上品元始天尊當說是經周迴十過以召十方始當詣座天真大神上聖高尊妙行真人十方聖境化土世界仙君神王無鞅數衆乘空而來玄雲飛霞鳳輿朱輪葆蓋交陸琅碧騰輝洞徹八冥晃耀太空九日九夜諸天日月官府星垣帝闕寶觀朱樓神樓瓊山瑤臺劫仞下及蒼丹之界玄素之鄉清都九淵六周十極光明照朗通達無礙一國地土山川林木緬平一等無復高下土皆作黃玉中天正炁交儀坤丘神化平夷無有異色衆真環侍元始天尊安坐太虛九芒赤文火玉之座說經一徧諸天大聖同時稱善是時一國男女仰聽玄音悉悟妙道說經二徧目觀神化洞徹萬緣說經三徧合會正炁皆能閉法說經四徧億劫積滯隨念消融說經五徧金真散結百關流通說經六徧地生靈華天敷王文說經七徧悠悠

群類克保完堅說經八徧鬼官龍對幽魂上升說經九徧虛皇妙光照映十方元量元宮分形應化一切天人隨方敬仰說經十徧玉符下降安鎮神山度世升平永無劫運是時一國是男是女莫不傾心皆受開濟咸得長生

道言是時元始天尊說經一徧東方无極元量品仁旺大神無鞅之衆浮空而至說經二徧南方无極元量品合明大神無鞅之衆浮空而至說經三徧西方无極元量品皓元大神無鞅之衆浮空而至說經四徧北方无極元量品玄光大神無鞅之衆浮空而至說經五徧東北无極元量品保安大神無鞅之衆浮空而至說經六徧東南无極元量品流運大神無鞅之衆浮空而至說經七徧西南无極元量品鎮紀大神無鞅之衆浮空而至說經八徧西北无極元量品持綱大神無鞅之衆浮空而至說經九徧上方无極元量品生方大神無鞅之衆浮空而至說經十徧下方无極元量品延康大神無鞅之衆浮空而至

十徧周竟十方天真聖境大神一時同至一國男女傾心歸嚮求者有如輕塵重霧億乘萬騎玄雲四會天澤霖周素煙層沓非可禁止於是元始手出妙光化一圓象結成寶雲瑩若明月在空玄之中去地百丈元始登引

天真大神上聖高尊妙行真人十方无極天真大神無鞅數衆俱入寶輪之中天人仰看惟見導從自輪影中入既入輪影不知所在國人廓散地常清潤無復更變元始即於寶輪之內說經都竟衆真監度以授於我當此之時欣慶難言法華周悉衆靈復位俄爾之間杳無遺音是時天民遇此大範普獲惠濟全其天年無有天傷合境歸仰咸悟道緣不懈不退不敗不遷不苟不諂不私不偏不佞不黨不過不愆言宗至理命保長延齊同慈智心契高玄國境豐寧帝祚綿綿法始流布一國以道預有至心宗奉敬衛皆得度世道言元始天尊說經中所言蓋是三天花炁誦歌大範之音亦是十方聖境真仙之隱名也非世之常辭上元開運真人通微悟玄能

悉其章誦之十過九天稱慶群靈列言三官  
執籍簡奏玉京日月騰輝星網順行大魔伏  
謁衆林東形濟生度死朽骸成人太極飛仙  
誦之十過則十方境界元極靈鄉下達神州  
洞泉海嶽有生安泰各遂道途所以爾者上

聖高真挺自然之秀育質瑩膏生而知道故  
感格玉清無所不度飛仙中真積學修鍊而  
契於玄雖證位同聖非上元之比但濟世境  
而已不能制天政也輕誦此章身則被殃宗  
敬保秘立著元功世世昌熾善根興隆衆邪  
不干天神護門斯經玄真萬境所專度人無  
極爲生道之宗皇皇正範難可勝量

道言凡誦是經十過洞章女音上達玉清感  
格虛皇降三天正真九陽積妙太玄之炁下  
開八門灌注流入羅鄴幽音泉曲冥關度爾  
德曾萬祖受苦魂爽克得化鍊上升朱陵皆  
應真期靈符攝生得爲至人而好學上經果  
備功圓皆得飛仙超升玉闕遊眇九霄也鴻  
學之士修誦是經皆即受度高靈南宮世人  
受誦則壽極三元後皆得證太陰鍊形之道

誠質九淵寄身土境不墮空境不沉滯歷  
劫周運即獲更生一切天人悉獲受度无量  
景福幽顯蒙惠上玄所禁不傳于世至士特  
重寶效心盟誓而傳報世至章殃連七祖長  
役土官侍經聖境玉童玉女各四十八人營

衛神文保護受經者身  
道言正月長齋誦誦是經真光下濟澤釋幽  
陰爲上世亡魂斷滅罪結升度朱宮七月長  
齋誦誦是經正真生炁流灌心田金錄法名  
身得高仙十月長齋誦誦是經聖境內通法  
耀外明爲國主帝主保延世境安鎮萬邦欣  
樂昇平大福無疆三辰寧順天壽永昌八節  
之日誦誦是經得爲流珠絡關保生真人本  
命之日誦誦是經十方大聖化境高尊乘雲  
駕龍來詣監盟書名元斗列奏玄冥百神集

會功著九天大魔保舉形飛列仙  
道言行道之日皆當香湯沐浴齋戒入室  
東向叩齒三十二通上開三十二天心拜  
三十二過閉目靜思身坐碧綠紫三色雲  
炁之中內外蕭冥有青龍白虎朱雀玄武

師子白鶴羅列左右十方聖境一時同見  
日月照明洞煥室內項生圓象光映十方  
如此分明密呪曰  
无上玄元太上道君召出臣身中三五功曹  
左右官使者侍香玉童傳言玉女玉帝直符  
直日香官各三十二人關啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前平  
引炁三十二過東向誦經  
元始无量度人上品妙經  
元始洞玄靈寶本章十方聖境上品神霄神  
化度人亦符隱龍騰耀自然混溟洞冥虛無  
玉真肇開元範大合神靈虛皇一炁植立諸  
天斯構十方五劫推遷七變神州十轉天關  
玄妙聖境仙真帝臣開明三道散化五形萬  
象齊立虛極靈根上周復景獨運爲身華品  
至應大朴靈文九霄冲感風激飛煙迅網木  
輪交瓊深淵皓皇廣布元運包纏是爲造化  
十極將分鬱鍊環靈蕭伊還京上窺圓象琳

闕飛青眇眇帝无魏魏劫城三靈玉筵太上  
 女庭金闈華房森列流精廣覆育悉周變千  
 靈中有十天校錄之神中有方諸上道之君  
 中有洪聖妙元之真中有合境開導丈人  
 中有東華南極西靈北鬱西維上下列聖高真  
 共敷大範開化天人執天正憲无量度人今  
 日集會攝召瞻軒  
 東方聖境賢善世界正化神王長生大聖无  
 量度人  
 南方聖境明離世界真慧神王長生大聖无  
 量度人  
 西方聖境皓洞世界招仙神王長生大聖无  
 量度人  
 北方聖境清淨世界多吉神王長生大聖无  
 量度人  
 東北聖境妙華世界感德神王長生大聖无  
 量度人  
 東南聖境九真世界福滿神王長生大聖无  
 量度人  
 西南聖境流光世界金華神王長生大聖无

量度人  
 西北聖境玉宸世界神智神王長生大聖无  
 量度人  
 上方聖境紫虛世界道樞神王長生大聖无  
 量度人  
 下方聖境慈護世界救厄神王長生大聖无  
 量度人  
 十方无極通靈神王飛空度世開化大神並  
 乘絳雲綵輿碧蓋羽蓋瑤輪駭駕玄鳳白虎  
 班龍建元暉玉節七耀靈旛前列十天大帥  
 後從黃闕化兵猛馬蒼麟騰擲辟邪天官啓  
 陰玄真真鍊德乘萬騎浮空而來傾光回駕  
 聖境度生太微玉輔元素上靈神章鴻化大  
 洞高專統天執法濟會帝前隨方立應簡示  
 諸天普告八極寒夜靈闕洞神左府北水九  
 淵太上羅鄴六洞三宮曲池龍廡大劫河源  
 威光九仞長役風庭火山水鏡億零女青大  
 君符命時刻飛昇斷絕惡趣消滅罪根陽燄  
 下濟原赦幽魂朱官受鍊仙變成人生身合  
 炁隨運長存因緣輪轉與天同年來度陽九

百六風刀水火之難超凌三界道遙九清九  
 清之天帝繼冥無色之境梵行  
 東方八天  
 靈蘭雲室天 帝記行宛盈  
 開真成化天 帝閻濟莊  
 祕景凝神天 帝遙塗獨雲  
 玉陽聖境天 帝赤序卑升  
 海國飛御天 帝穆衍島  
 崑崙虛音天 帝感時慶照  
 智常極仁天 帝述俱辭名  
 神鳥遊車天 帝蓋憑子柯  
 南方八天  
 炎正司治天 帝諒官奉方  
 百豐就中天 帝迪宗中宜  
 朱陵典禁天 帝沖仙九純  
 降都昭靈天 帝兵樓仲和  
 宇庭校精素翼天 帝暉道清  
 剛瓊度光天 帝響邦暑放  
 都神耀耀天 帝達玄宥窺  
 威明廣兵天 帝成都折陽

100-1101

西方八天

東臺羽武天

韓官駕章天

龜巖西臺天

直申迅靈天

幽墟潛校天

挈瀆垂神天

波關龍濟天

參首慶生天

北方八天

洞陰夜城天

孤光王峯天

黑巖雷司天

正居錫玄天

太一張遙天

素炁徊堂天

龍威捨渙天

至澤洪靈天

三十二天三十二帝諸天隱諱諸天隱名天

中空洞自然靈章諸天隱韻天中之音天中

帝河稽魯傳

帝明離子康

帝官興黎巖

帝悉託思

帝伯耀光

帝遂防廓明

帝和冲孚

帝勃利佳賓

帝定平若澄

帝寂蒙瓊統

帝澤披啟光

帝慈盧祈昌

帝尤金子營

帝愍都交華

帝逐關辟晞

帝杜梓示恭

之尊天中之神天中大魔天中之靈九關十

關混合上清玄關大典幽妙難量造天立極

數落十方今日欣慶會過考試諸天已滅世

累斬絕惡根飛度五難乘景高奔真玉監察

無制玄門東斗注生西斗司伐北斗執契南

斗定格中斗帝宣流聖澤青帝布機白帝

持算赤帝御炁黑帝交貫黃帝中居大化分

判青天真玉寶慶合離赤天真玉玄真糾非

白天真玉太素運時黑天真玉天化實暉黃

天真玉靈炁所歸五天真玉萬境之專飛行

三界總領威兵持幢仗節遊行太清位號顯

著與天同生上玄化民嚴制幽高紫微受詔

掃珍袂釋天蓬執印神虎振張流火前馳朱

鳳後期六天大醜收付魁罡敢有干犯拒抗

天真神兵左戰巨殺右刑屠割除滅風火無

傳千千截首萬萬誅形魔無侵試鬼無逆凌

三官北酆明察鬼愆救容息縱飛章奏呈普

告十方无量神靈八冥諸帝列言紫宸

混元無名非濁非清分為兩半素玄肇平積

微為何大化生方劫號既定冥變龍康妙妙

祖源混合文昌上無景色下無化淵風行太

虛空洞無邊自然聖境至道之玄碧霄降地

金水成天天上天下大舍沉冥無輝無影無

象無形溟滓元炁雙耀交并赤明玉虛運周

自然天一流化金簡玉篇赤陽至精八垣玄

文保制崑丘永劫長存梵炁彌羅萬法施張

元網交貫九地九天輪轉空無生成億千旋

遶蕭山回度飛耀三十九帝總攝上元十方

聖境統治丹玄玄中太真上景高皇炁炁玉

霞吟嘯洞清金廷秀穎流盼雲營天音朗韻

靈光散煙太蕭鬱羅明化金編千和萬合自

然成真真中有神長生大君青華左陽玉妃

右暉太一司命桃康合津執符把籍保慶靈

根上游紫清出入玄丹三方之內六極之中

下鎮人身明堂絳官分治五神合會百骸十

運回風萬炁俱仙飛神召靈變化無邊仙道

貴生无量度人十方玄極開通八門飛行三

界受書玉宸罪福禁戒宿命因緣咸受濟度

天正生身身得受生上聞諸天諸天之上各

有生門中有天元合變之章太上靈篇辭奉

高真

第一十方聖境飛空之音

玄光赤運	大梵無名	飛境飄飄
化闕九門	玉城盤回	碧落數明
旋臺萬劫	音華耀文	中有大聖
龍水虎棠	首建紫宸	腰帶金璫
持握四境	化土中方	爾能長壽
鍊度文昌	蕩穢紫戶	納真絳房
二神擲火	元一揚光	見我真形
出沒低昂	繁繁存工	灼灼在傍
乘神以遊	綠室朱窓	我道杳密
心合靈鄉		

第二十方聖境之章

一炁所變	萬境澄清	玄嶽鬱差
仙都玉京	長林茂秀	大有玉庭
朱衣龍章	開化生根	聖綠天運
正道開揚	炁貫飛煙	結花無常
穹樓千尺	巨闕明堂	龍游虎馳
朱旒雲網	隱如太空	顯如宿張
發現應所行	即明善惡方	玉真跨斑龍

神風得高翔

第三十方聖境歌曰

龍漢大劫	萬品玄虛	元始開天
先造空无	大洞上元	清微禹餘
靈文九訓	玄真七舒	蕩蕩八垣
高升四隅	赤明啓運	列聖御圖
五山差我	敷落赤書	蕩蕩天關
巍巍帝居	靈光下濟	息役三塗
頌故河源	真風廣敷	式歌此音
與聖同符		

此三界之上飛空之中真玉歌音音參洞章  
誦之百遍名度南宮誦之千遍真王保迎萬  
徧道備飛昇太空過度三界停登仙公有聞  
靈音魔王敬形劫制地祇侍衛送迎拔出地  
石五苦八難七祖升遷永離幽關魂度朱陵  
受鍊更生是謂无量普度無窮有秘上天文  
諸天共所崇泄慢墮地獄禍及七祖翁  
道言此二章至是諸天上帝及至靈真王隱  
秘之音深啓至玄發明洪化使彼天民咸入  
聖境皆是大梵之言非世常辭言無韻麗曲

無華宛故謂玄真難可尋評上天所寶秘於  
高上神霄玉清玉府大君行教應赤流傳若  
有至人齋金寶質心依舊格告盟十天然後  
而付焉

道言夫天地運度否終日月五星虧盈至聖  
神人休否末學之夫疾傷凡有此災同炁皆  
當齊心修齋六時行香十徧轉經福德立降  
消諸不祥无量之文普度無窮

道言夫末學道遠或仙品未充運應感度身  
經太陰臨過之時同學至人為其行香誦經  
十過以度屍形如法則生身所行善功所營  
陰德當滅度時十方聖境皆現元始天尊安  
座說法或榜手接引權蓋來迎魂神徑上南  
宮隨其學功計日而得更生輪轉不惑便得  
神仙

道言夫天地運終星宿錯度日月失光四時  
失序陰陽不調國境生災疫毒流行兆民死  
傷師友命過淨友災殃皆當修齋行香誦經  
夫齋戒誦經功德甚重上消天災保鎮帝王  
下禳毒害以度兆民生死受頭其福難勝故

曰无量普度天人

道言凡有是經能為天地帝王兆民行是功

德有災之日發心修齋燒香誦經十過皆諸

天記名萬神侍衛右別至人克得為聖君金

闕之臣諸天記人功過毫分無失天中真王

亦保舉爾身得道者乃當洞明至言也

諸天中大梵隱語无量音 道君撰

元始靈書十方聖境秘篇

東方八天

群陀淫索 召鑑淵師 靈馬逾綱

期翫式晦 遼 關彌覽 列都美偉

濛巖眩羅 逸遠周器 烏陽演赤

皓光乾銳 報夷丙山 瑤章藉粹

祝多時延 綠真英仙 湛那親泊

至良微瞻

南方八天

寶夏昆略 練池紫灑 跋玖但思

蕭南岐顛 寶節俱徠 密盟書玄

樂藻梯其 直幾進綿 往泰乙趨

離成資權 蓋傍休本 歷高次宣

靈儻霄華 臺池闕城 璣黨扶驅

洞籟滯溪

西方八天

庫岍姪勻 丘慈始傷 庚井龍羅

柏房停香 酌懈留激 屏麻辭真

雲葉定相 敝多淪神 徹虛瓊瑤

燕都景疑 感族揚鄙 智傳齊謨

混覺測靈 維球粗根 亮苔已構

部墟塗垠

北方八天

侯汪述元 披景奪靈 衣篤變軀

郭多民遠 鍊泓寒穴 招仙賁輪

蕩交逸區 爭光蒲形 早杰洽東

司萌決同 智籌環燿 規璘冀冲

洞育邈里 歲魁謁豐 萬仙合絕

空靈寔功

道言此諸天中十方聖境大梵隱語无量之音舊文題十方洞壘天闕玉都之上神化十方靈隨應出空合道微悟解之者神鄉聖境無不普現字皆廣長一丈天真皇人昔書其

文以為正音有知其音能齋而誦之者諸天

皆遺十方聖境化土神王下觀其身書其功

勳上奏諸天萬神朝禮地祇侍門大功真王

保舉上真道備克得遊行三界升入金門此

音无所不辟无所不攘無所不度無所不成

天真自然之音也故誦之致十方飛天下觀

上帝遙唱萬神朝禮三界侍軒群林東首鬼

精自七琳琅震響十方肅清河海靜默山嶽

吞煙萬靈振伏招集群仙天無氛穢地無妖

塵冥慧洞清大量玄玄也

元始无量度人上品妙經卷之十九

世九

十五